



先秦 — 清末民初

中國野史集成·續編編委會
四川大學圖書館編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

18

巴蜀書社·中國·成都

目錄（第十八冊）

皇明肅皇外史	一
皇明馭倭錄	二五〇
安南來威圖冊	四七五
平蠻全錄	五七九
嘉靖倭亂備抄	八〇六

皇明肅皇外史

四十六卷

皇明肅皇外史序

昔孔父財經定哀俱筆子長纂史景武咸詮察百步而眉睫是留遠觀者病其闕已故商古之士不遺推今左子綴傳尤觀縷于獲麟之後也況後主所是一代之繁今存焉苟闕而不彰即有如荀卿者故法魏相者故修將焉由之是故典刑斯在皆蒐輯宜及而謨烈攸聞尤闡揚故急者矣我國家自

高帝以來二百餘載敷華願承日星炳煥其為掌故所籍太史所編厚者充初石室晚典謨而垂千古矣其他拾康衡之遺謠擬講德之緒論披細餘韻

序

一

殄鼎傷參豹斑者亡慮數十家雖其辭寡體要事多舛謬而學士讀之亦得以窺神功于萬一識帝德之馨繁其所弘裨豈淺鮮哉顧其為述皆止殺帝而往

肅皇以降擴莫及粵稽四十五年之間神謨廣運泰運長亨其所以芟翳作棘觀光揚烈軼六宗駕二祖咸五帝登三王者沮誦助佚窮日不能殫其紀編章殺青充棟莫克究其筆蓋將將二曜之不磨與天地相為昭章者也可使秘諸金縢藏之蘭臺愚黔首而不欲其知哉予聞之太史氏曰日者纂我

世宗之實錄也官分六曹草脫十稔為編五百六十

有五為言蓋千有五百餘萬云即使頌之學士課以繙閱將有皓首未窮其帙者而何窺功識德之能為已自翳歲志存典墳至于昭代故實尤所悉心居常念陳氏通紀草次亡文採撫雖云不苟而蕪俚可厭步王君懋之故武鄭公大政記筆削平意鉅細不倫比之孟堅帝紀似為整潔以方麟筆難免捧心之態矣薛子憲章錄廣擬羣言自銜博綜而拾唾餘以當珠璣寶武夫而充秘帙是刻仲豫之鵠而失焉者也高氏鳴猷錄目取紀事義殊編年事必核夫始末而高帝初年諸條則分

序

二

析璫屑動必繫之歲時而奏詔往復誅賞銓進則月日未審求之于古蓋自我作故不有範模者矣每思兼採諸長勒成一家然職累紛拏抽衮不暇已而移主都官曹事訟牒頗簡得以其隙肆力丹鉛故臨初謀終苦縣閭念有四家之緒言姑作緩圖迺舉羣劄創撰

肅謨事鉅者稍挈其領用為標識非敢自附于篇取關治者備徵其詳匪為難助聊以廁之臚牘也材雖足于識小說或異于稗官雖于聖神治化之隆未能仰贊其什一而視于眉睫庶幾不殊百步耳苟有推今者欲法而修之或者不外

于是乎其間國是從違忠佞絀信一惟近世名
賢之語言是據當時元夫之疏論是憑不敢毫髮
自用肺腸觀者幸諒而原之毋眎為魏收之穢史
可也

萬歷壬午夏六月涓川范守己書于建康之九二
軒

序

三
壯年處分書



國朝自

太祖高皇帝奄有函夏垂億萬年無疆之統受命靈長享國三十有一載逮文君超禍嗣祖歷服四葉而自望大命卒附皇祖之末簡

文皇帝奠鼎定極神謨猷運二十二年之間不遑啓處繼命孟隆昭皇帝綏猷覃化僅及一年

章皇帝布武弘庥不出十稔而元氣神功之培植于茲猷至寄皇帝幼冲嗣作返駕復辟首尾二十有九年雖

卷一

一

景帝間立握符七載而昭臨孔固終不能移其實錄之傳也純皇帝初為儲貳廢歸沂邨友友殆矣而天命有在神器終及故能享國二十有三稔福履為多皇嗣十人本支並茂其元子敬皇帝重數大化千古稱良十有八年之間湛恩汪澤流溢八極雖嗣以毅皇帝之盤遊猶守之十六載無所賞隊詎不題與其次興國恪守藩服迨及孫子復膺大應以上繼一百五十四年之統以衍億萬年無疆之傳於戲威矣自太祖高皇帝下及毅皇二祖六宗十朝九帝之鴻烈紀述願備不遑修訂謹纂肅皇外史如左

世宗肅皇帝

辛巳正德十有六年夏四月癸卯帝即位

帝興獻王子憲宗純皇帝孫也憲宗生十皇子長孝宗敬皇帝次興獻王次以王益王衡王雍王壽王汝王湮王榮王弘治七年甲寅興獻王之國安陸州正德二年秋八月帝生於興邨時黃河清度雲見翼軫分已而獻王薨帝受勅嗣理國事至是年十有五矣武宗無子臨崩遺詔曰朕紹承祖宗王業十有七年深惟有殂先帝付託惟在繼統得人宗社生民有賴

卷一

二

皇考孝宗敬皇帝親弟興獻王長子厚聰聰明仁孝德器夙成倫序當立遵奉祖訓兄終弟及之文告于宗廟請于慈壽皇太后與內外文武羣臣合謀同辭即日遣官迎取來京嗣皇帝位時十六年三月丙寅也翼日丁卯遣司禮太監韋壽寧宣侯張鶴齡駙馬都尉崔元大學士梁儲禮部尚書毛澄齋詔諭金符之安陸州戊寅肅等至興邨帝迎詔國門外至承運殿開讀已乃登座受符朝藩衙諸臣肅等顧嘆曰乃知帝王自有真也四月壬午帝辭興獻王園寢顧瞻不忍去從臣感泣癸未發安陸辭帝母將妃嗚咽涕泗

帝母曰吾兒此行荷負重任母輕言帝曰謹受教比發安陸父老攀戀不置帝以藩衛官校不諒有司恐為沿途擾特命從官駱安等嚴敕之所過辭謝諸王供饋屏絕有司珍奇之獻待服有過者目不復睨抵河有艤舟父老跽曰昔聖天子初生之歲此河清三百里者三日嘗謂河清聖出今果然矣丁亥禮部員外郎楊應奎上禮儀狀請由東安門入居文華殿翼日百官朝見三上策勸進俟令旨俞允擇曰即位乃大學士楊廷和命儀部郎中余才所擬也壬寅車駕至良鄉帝覽禮部狀謂長史袁宗皋曰道詔以吾嗣皇帝位此

卷一

三

狀云何發舉至京師止城外廷和固請如禮部所具狀帝不許乃御行殿受冕由大明門入日中即位時久旱是晨大雨向午忽霽萬象咸新翼日詔曰朕承皇天眷命列聖洪庥奉皇兄大行皇帝遺詔屬以倫序入奉宗祧祇告天地宗廟社稷即皇帝位深思付託之重實切兢業之懷茲率由舊章敬承先志自惟涼德方在中年尚賴親賢共圖新治其以明年為嘉靖元年凡正德間冒濫軍功匠校賣緣監織權統諸興政盡行釐革故死罪雖犯以下未減有差于是中外鼓舞若獲更生矣

丙午遣宮使迎帝母與獻妃

初帝在中道恩聖母輒垂泣故即位三日即遣

司禮監官秦文鄭恩等齎箋往迎

戊申命禮官集議崇祀興獻王典禮

帝命集議興獻王主祀及追崇尊號禮部尚書

毛澄請于大學士廷和廷和出漢定陶王宋儀王

事授之曰此足為據異議者即棄彼當詳矣

出禮部侍郎王瓚于南京

有侍對公車舉人張璠者瓚同鄉士也詣瓚言帝

入繼大統非為人後與漢哀宗英不類瓚然之宣

言于眾大學士廷和謂瓚獨持異議令言官列瓚

卷一

四

他失出為南京禮部侍郎而以侍讀學士汪俊代

五月以吏部侍郎袁宗皋為禮部尚書兼文淵閣大

學士參預機務

論扈從功也以長史袁宗皋為吏部侍郎尋進尚

書大學士承奉張佐戴永為御馬監太監護衛指

揮駱安為錦衣衛指揮餘四十人俱增秩有差

策士于西角門

初武宗南巡故庾辰南宮所取士未對制策禮部

上言武宗在殯不宜于奉天殿策士乃就西角門

以投其典是日發策即以追崇本生為問士多依

阿賜楊惟聰等及第出身有差

加故尚書韓文太子太保柱國任其一孫

先是召文赴官以疾辭時年八十有一矣故遣行人存問加宮保柱國頒月祿養之仍蔭一孫為先祿寺寺丞

加章懋南京禮部尚書

時懋亦年逾八十加秩致仕令有司以時存問

六月以王守仁為南京兵部尚書

時故召用不果故有是命守仁因疏乞省墓矣

己亥復遣官往迎帝母興獻妃

遣太監戴永等齎箋再迎于途

卷一

五

江寧府志

逮擊吏部尚書王瓊于詔獄論死

初正德間都御史彭澤經略哈密貽土魯番速璽滿速兒金綺器物易哈密城及金印比城印未還而澤即上書言事平乞歸朝廷信之召澤還京理都察院事已而滿速兒知我撤兵不還城及金印更要索無已且遣姦謀出入肅州媾我諸熟夷為中誘兵備副使陳九疇偵知之悉捕下獄而阻其勞賜不之發滿速兒怒以萬騎寇肅州遊擊將軍芮寧出禦敗績亡卒八百人九疇嬰城自固恐諸夷謀中變捕哀甲者悉殺之有哈密都督失拜烟答者與滿速兒通九疇亦盡死乃潛結瓦

刺夷酋掠其畜落破三城滿速兒狼狽引去九疇

軍從後微之斬獲頗多時失拜烟答子米馬兒黑

麻入貢在京聞其父死突入長安左門鳴父冤下

錦衣衛法司會鞠兵部尚書王瓊乃發彭澤欺罔

及九疇激變喪師狀逮擊九疇至京廷鞠之幾

殺澤大學士廷和營解得免仍削九疇籍為民至

是言官劾瓊挾私忌功傾陷澤九疇廷和素善澤

乃逮擊瓊詔獄謫戍榆林

起彭澤為兵部尚書

瓊既論謫乃復起彭澤為兵部尚書

勅修武宗實錄

卷一

六

江寧府志

命禮官集議追崇大禮

初尚書毛澄會公卿臺諫等官六十餘人上議漢成帝立定陶王為嗣而以楚王孫後定陶承共王祀師丹以為得禮今上入繼大統宜以益王子崇仁王後興國其崇號則襲定英故事以孝宗為考興獻王及妃為皇叔父母祭告上箋稱姪署名而令崇仁王考興獻王叔孟王帝覽曰父母可移易乎其再議于是大學士廷和及蔣冕毛紀等復上言程熙濮議最得禮義之正皇上求而行之可為萬世法惟興國祀事今難以崇仁王異日仍以皇次子後興國而改崇仁為親

藩天理人情庶兩無失尚書澄侍郎俊等六十餘人亦復上疏如廷和言帝不聽仍命博考典禮以求至當已而廷和復上言舜不追崇翳陵漢世祖不追崇南頓君皇上取法二君斯聖德無累澄等七十餘人又上疏武宗皇帝以神器授之陛下有父道焉特以昭穆既同不可為世孝廟而上禍祖曹高以次加彌豈容異議興獻王雖有罔極恩斷不可以攝孝廟者彌之也因錄魏明帝詔文以上留中不報御史周宣進士屈儒侯廷訓亦各奏議如禮官指帝終不從仍命集議

卷一

七

廷和奏疏

贈先朝諫死諸臣官任其子初正德己卯武宗欲南巡幸修撰舒芬等百有三十餘人各抗疏諫之忤旨逮繫二十餘人于詔獄已而命長跪闕廷下五日仍各廷朴之死杖下者十有一人員外郎陸震行人司副余廷璠主事劉校何遵許事林公麟照磨劉珏行人孟陽李紹賢劉平甫李翰臣詹斌刑籍五人郎中黃輩夏良勝萬潮博士陳九川及陸震成達一人徐鑒餘俱奪秩外補云帝念其忠故有是命死杖下者贈官廕其一子成達削籍補外者俱錄用之

秋七月進士張璁上言大禮

初厚議故考孝宗穆獨不以為然自王璘去廟不敢申其說至是見帝屢駁厚議乃上疏曰朝議欲上考孝宗叔興獻王此拘定陶濮王故事爾夫漢哀宗英皆立為皇嗣養之宮中是尚為人後者故師冉司馬光之論猶可今遺詔謂皇上倫序當立不謂為孝宗後比之哀宗較然不同攝興獻王以皇叔父鬼神固不能無疑也况攝聖母以皇叔母則當以君臣禮見恐子終無臣母之義故謂皇上繼統武宗而尊崇具親則可謂繼嗣孝宗而自絕其親則不可臣竊謂今日之禮宜別為興獻王立廟京師使得隆

卷一

八

廷和奏疏

孝親之孝且使母以子貴尊與父同斯不失其為父聖母不失其為母矣疏入帝遣司禮監送閣中諭廷和曰此議實違祖訓據古禮爾曹何得誤朕廷和曰書生焉知國體復持入帝熟覽之喜曰此論一出吾父子可終完矣是日帝御文華殿召廷和冕紀入諭曰至親莫若父母因授以手勅曰卿等所言俱有見第朕固極之恩無由報爾今尊父為興獻皇帝母興獻皇后祖母邵為康壽皇太后廷和等退而上言曰禮謂所後者為父母而以所生為伯叔父母蓋不啻降其服又異其名也臣等不敢阿諛順旨封還手勅

帝為中止

八月查革冒濫武職

初正德間安化謀逆仇鉞平之太監張永援為己功既而谷大用馬永成陸闇魏彬等實緣奏帶其弟姪張富張容谷大寬谷大亮馬山陸永魏英等俱封伯其錄授都督都指揮者尤眾帝即位之初即詔查革諸冒濫款分一十有三一曰傳陞二曰乞陞三曰例外奏帶四曰報効五曰一人數處報効六曰一時數處報効七曰併功八曰冒藉九曰各邊不曾職斬巧立名目十曰兵部擬賞奉旨陞級十一曰緝捕妖言姦細一應陞級十二曰

卷一

九

大同應州冒濫功次十三曰納職加陞命給事中夏言御史鄭本公兵部主事汪文盛覈之言等奉命會覈錦衣等衛應革者三千一百九十九員名簿錄奏上因言正德間軍功之濫其弊有三奏帶之數太多紀驗之次失實武選之法盡壞如鎮守官奏帶例宜五名今至三四百人往往安居京師寄名邊徼有一人而數處奏名一時而數方獲功者其不在斬賊之列又巧為名目曰運送神鎗曰齎執旗牌曰衝鋒陷敵曰軍前効勞曰三次當先紀驗無審覈之公銓序無駁勘之實其改正重陞併功加授之類不可枚舉俱當釐正以絕弊源

事下兵部尚書彭澤覆奏從之先是錦衣衛額設指揮使一同知二僉事三鎮撫二所千百戶各有定員自正統後貴妃尚主公侯中貴子弟常授官者俱寄祿衛中以材請選用遞進用事正德間諸貴倖子弟以奏帶傳奉冒銜者不下數百人他衛稱是至是指揮而下汰什之八旗校汰什之五歲省度支數十萬計著為累勿得實緣再進然未幾而奏辦紛紛倖門為復開矣

九月癸酉興獻妃至通州

先是禮部具儀聖母至京宜由東安門入帝不從再議由大明左門入復不從帝斷議由中

卷一

一

門入謁見太廟朝議辭然不可禮部復請用王妃儀杖迺之帝亦不從命錦衣衛以母后駕儀往又命所司製太后法服伺之至是聖母至通州聞朝議欲考孝宗憲曰安得以我子為人子謂從官曰爾曹已極寵榮獻王尊稱胡由未定因留通州不入帝聞之涕泗啓慈壽皇太后願避位奉母歸藩羣臣惶懼

袁宗皋卒

起費宏為戶部尚書兼武英殿大學士參預機務初正德辛未宏由禮部尚書入閣歷太子太保武英殿大學士甲戌歲致仕家居者七年至是袁宗

卓卒廷和奏復起之

冬十月張總上大禮或問

初總上言大禮御史盧瓊給事中史于光交章劾
總或亂宸聰宜加斥罰不報已而禮官復集廣
議上言不當帝后其所生留中不下于是毛澄等

以瓊于光言上請乞戒諭總亦不報九月丙子

帝諭廷和曰朕父獨生朕不得承緒復不得徽稱

罔極何由報終勞卿等折衷伸朕孝思廷和等仍

守前議不欲變及聖母留通州不入帝欲避

位總乃復為或問一帙辨析統嗣之異及尊崇慈

廟之說甚悉吏部主事彭澤錄遺內閣及禮官勸

改前議不從總乃喬至左順門上之廷和令修撰

楊維聰等阻之不得帝覽之留中不下

辛巳尊邵貴妃為皇太后興獻王與獻妃為帝后

廷和見勢不獲已乃草勅下禮部曰聖母慈壽皇

太后懿旨以朕繼承大統本生父興獻王宜稱

興獻帝母宜稱興獻后獻廟貴妃邵氏稱皇太

后仰承慈命不敢固違帝從之廷和意假母后

亦非廷議意也

壬午興獻后至自通州

聖母以未得徽稱留通州者彌旬至是乃如京由

大明中門入帝迎于闕內以朝議不竭太廟

止見奉先奉慈二殿而已

乙酉主事霍韜等上言大禮

兵部主事霍韜見總言欲用亦上言禮官持議非

是時同知馬時中國子監諸生何淵巡檢房濬各

上言如總議帝益為之心動矣

論曰夫人諛勢而佞權恒情爾于是時東臣執

國是矣屹然不移而總以孤議獨衡其間言出

而拌快隨之力孰與東臣競也顧么麼如淵濬

者俱從而比其說豈真是所在執與權莫之能

勉耶嗚呼良賈弗識人爭去之況未必良乎規

所易難而居之求驚尤人情也無異乎淵濬之

甲午諭加皇太后及興獻帝后尊號

廷和以追崇禮成擬上慈壽皇太后及武宗

皇后尊號帝因遣司禮監諭廷和曰邵太后

及興獻帝后亦各擬上尊號廷和等上言不可

宣俟明年大嘗禮成慶洽宮闈加之可也

甲戌乾清宮成

初正德甲戌正月乾清宮災至是始成帝自文

華殿入居之

以何孟春為吏部侍郎

時孟春為都御史巡撫雲南先上疏乞重天命以

9

興聖治勸帝修德勤政知人親賢帝嘉納之至是又上言竊見進士屈儒上言欲尊聖祖母為太皇太妃聖父為皇叔考興獻大王聖母為皇叔母興獻大王妃所云考字臣愚不能無疑禮有世父母叔父母之文而無世叔考妣之說宋真宗稱太祖為皇伯考是興王業獲尊位者也則皇叔考之稱豈可加于興獻王乎成王謂周公為叔父是生稱之辭既沒有稱叔父者則皇叔父之稱其可復加已謚之親王乎臣伏觀詔書陛下下稱先皇帝為皇兄誠于興獻王稱皇叔亦允恆矣若非古之名不正之號非臣所望于今日也

卷一

十三

汪學廉書

廷和覽疏以為有見乃擢孟春吏部侍郎

出給事中熊浹為湖廣參議

浹上言皇上貴為天子聖父聖母以諸王禮處之安乎臣以為當稱帝后而祀興獻于別廟則大統之義所生之恩斯兼盡矣乃出為湖廣布政使司參議浹大學士費宏鄉人也宏慮廷和疑已故出之

十有一月封王守仁為新建伯加喬宇少保餘有差初守仁擒宸濠諸姦佞江彬等導帝親征且欲據守功詭言曲譜百計欲去之及宸濠伏誅守仁以己得專制平逆皆兵部尚書王瓊力乃歸功瓊

執政者不悅瓊亦因以忌守仁久之不行賞至是帝念守仁功命兵部集議差別諸從戎功次封守仁新建伯特進光祿大夫柱國仍兼南京兵部尚書參贊機務歲祿千石給誥券子孫世襲守仁聞命疏辭因極言楊廷和王瓊有發縱之功伍文定邢珣戴德孺陳槐曾興胡堯元劉源清馬津南喬李輝顧仙劉守緒等及鄉紳王愬中鄒守益伍希儒謝源等有推鋒遮擊贊議監錄之功尚未酬敘而舉人冀元亨為臣說濠構死獄中尤為含冤不報久之乃擢伍文定副都御史任一子邢珣倅建戴德孺擢布政使餘不敘

卷一

十四

汪學廉書

十有二月除張璁南京刑部主事

先是帝下大禮或問于禮部時楊一清家居遣書吏部尚書喬宇曰張生此論聖人不易恐終當從之宇不聽至是廷和銜璁投意吏部除為南部主事尚書石瑄語璁曰慎之大禮說終當行也廷和寄語曰子不應南官第靜處之勿復為大禮說難我耳璁鞅鞅而去

起林俊為工部尚書

初俊為都御史致仕家居廷和寓書于俊以決國是俊止疏曰孔子謂觀過知仁陛下大禮未協過于孝故爾司馬光有言秦漢而下入繼大統或

尊崇其所生。皆取機當時貽笑後世。陛下純德何忍襲為。疏入留中。廷和遂奏起。俊力辭不聽。論曰。書稱唯辟作威福。何云乎唯也。言下弗得干其東爾。威福自下。而大東移矣。于是信孟春。繼使及璵而登俊。果帝意邪。窺帝所欲。信必有在此不在彼者。而當事者互為之。是與明如。肅皇邪。所爭即是。猶嫌無君。况以同異私衷黨伐其間乎。此其終激而為後日之紛紛也。

大學士楊廷和蔣冕毛紀費宏俱求罷歸

先是。帝下御劄。諭加興獻帝后以皇字。廷和等上言。恐奈一代綱常。拂萬世公論。不可因封還御劄。帝曰。卿言已悉。第因極之恩。報亦無方。其勉承朕命。稱父興獻太皇帝。母興獻太皇后。廷和等復上言。興獻帝后尊稱已極。若復加皇字。與孝廟慈壽並尊。是忘所後而重本生。任私恩而棄大義。臣等不能辭責。俱願罷歸。帝曰。朕奉昊天至情。不必拘于史志。可勉加皇字。母託為辭。于是吏部尚書喬宇率百官上言。皇字不可加。帝曰。慈壽皇太后懿旨。有諭。皇帝昏禮將行。具加興獻帝后皇字。朕不敢辭。爾羣臣其承

后命。廷和等見不可爭。乃俱求罷歸。不報。禮部尚書毛澄侍郎賈詠汪俊等上言。若帝后之上有加。則正統之親無別。恐不可以吉。郊廟而布天下。內閣大臣直言規諫。宜賜俞旨。帝不聽。仍曰。宜遵懿旨。稱興獻皇帝。興獻皇太后。于是給事中朱鳴陽等御史程昌等編修陳沂等百有餘人各上言。加稱非是。因是斥璵不聽。

甘州總兵官李隆陰。成卒段巡撫都御史許銘。初銘至甘州。斤斤自好。執鎮巡諸官勿得侵牟士卒。隆以同里故。滋不悅。既而議減諸戍卒月餉三分之一。士心亦多怨之。隆遂陰嗾諸卒王禮二等。倡

卷一

言幕府減損糧餉。不卹士伍。當執而報之。乃嘯聚千人。擁入臺署。假言告復原餉。雖縛不已。銘倉卒避匿。禮二等率悍盜歐而死。復撤懸糧諸木。哀尸而焚之。劫出軍械。掘因燬燒寺廟。城中大震。鎮守太監董文忠聞變。急禽禮二鞠之。禮二對簿。發陰謀。使陰謀。隆聞之。恐急索禮二。斬以殉。且圍城。口復嗾軍首蘇秀等誣銘貪殘。勉餉激變。邊卒疏聞于朝。太監董文忠亦隨聲和之。于是巡按甘肅御史許鳳翔巡按陝西御史喻茂堅各上具事。

卷之一終

壬午嘉靖元年春正月己未郊清寧宮小室火考

孝宗敬皇帝母慈壽皇太后

時郊祀甫畢清寧宮小室火風急不可撲滅大學士楊廷和等因上言火起風烈殆為天意況迫清寧後殿豈非興獻帝后之加禍祖宗神靈客有未悅者乎給事中鄧繼曾上言五行火主禮今日之禮名素言遜陰極變災臣雖愚知為廢禮之應也主事高尚賢上言郊祀甫畢即有清寧後宮之災意者興獻帝后之禍于禮不能無疑復以

卷二

一 注卷之二

皇字稱之尤為過越鄭佐亦言鬱攸之災不于他宮而于清寧之後不在他日而在郊祀之餘變宜虛生災有由召帝覽之心動乃從廷和等議稱孝宗為皇考慈壽皇太后為聖母興獻帝后為本生父母而皇字不復加矣

附錄初帝即位裁抑佞幸諸途俱清亡何興獻舊僚黃緣遷敘至庖匠廝役多寄祿錦衣衛階資隆懋殆數百人而皇太后親屬邵喜等狎侍恩寵請乞無厭其舊閣蕭敬等仍留大內所祈寺觀苑民產先降明旨撤黜歸民者仍命如舊存葺諸臣抗章屢以為言留中不省而左右近習願

時時有所移易于是在給事中朱鳴陽因災上疏曰切見是月十一日清寧後室火雖曰小災實關大體臣反覆思惟妄意揣度典禮失中與直言廢素與爵賞太濫與刑罰縱失與外戚驕盈與近幸干政與有一于此皆足召災况茲數愆各有指驗昔孔子聞魯災知為釐官踰禮故也漢傳太后欲與成母等號大焚其居鴻寧殿今茲之大切近清寧豈非大禮不可踰而人言所當卹邪致警惕之誠以圖消弭之道此其尤為先務也大不既端餘樂當救聖明御極言路始開近日以來聽納漸倦持逆心之論厭而不從爭大禮之章留中不報昔

卷二

二 注卷之二

人謂正士道消則火此其一也裁絀冒濫明詔方行而冗流開進幸隙復開文布京官武國世及皆藉興卹為辭所謂放賢濫賞官非其人則火此又其一也權姦亂政天下忿心執法曲全重違物論所謂滅棄法律則火此又其一也明君之于外戚慎始防微而指揮邵喜賞賚過多恩寵太盛所謂外戚無功受寵則火此又其一也綸音之布所以示大信于天下而佞幸間得轉移聰明時有威蔽一事之予奪前後互異一人之罪有變更不一如近日傳奉鎮守主于何人擬條意旨不由內閣治亂攸係豈宜潛移所謂貴近驕溢則火此

又其一也。然此數者皆典禮失中所致。蓋禮既拘私而直言者始不見用。希進者侍藩邸之私而冒濫始多。亂政者侍調護之私而大法始廢。外戚侍宮掖之私始妄請求貴近。侍逢迎之私始得干預孔子名不正之論。至是無一不驗矣。惟皇上仰畏天變。俯卹人言。推災之所自起。以端其大本。而釐其羣弊。庶足以回天意矣。疏入。不報。

以故副使陳九疇為食都御史。巡撫甘肅。初九疇為王瓊所搆。論死繫刑部獄。久之得釋。及瓊謫戍。彭澤起入兵部。久欲理九疇未之及也。至是甘州事聞。廷舉代許銘者眾。以九疇名上。

卷二

三

帝從之。乃以九疇為僉都御史。以往兵科都給事中許復禮御史王應鵬等各上言許銘被殺而隆等無恙。必有陰謀。嗾使者乞遣法司臺諫官察問。及實數所失錢穀軍械。下兵部議。彭澤以為宜檄巡按御史案覈。仍趣九疇亟往體察之。已而巡按陝西御史喻茂堅移牘都察院言許銘振綱紀而撫馭少恩。禁戢總鎮諸官宣恭未協。隆等雖無故縱陰謀。難免嫁禍之罪。首惡王禮二等已經梟斬。同亂六十餘人俱已囚禁。第志在得餉。原無他謀。合免根究。以安人心。彭澤覆奏以為隆等宜加切責。載罪視事。帝從之。乃降勅切責隆及副總

兵李義守備走。勇太監董文忠等仍趣九疇公行覈報。

革監督諸倉閩人

自宣德末京通二倉置總督閩宦一人。後黃緣滋多所居號中瑞館。請置印記。漕稅軍民橫被索求。不堪其擾。臨清徐州淮安諸倉亦各置監督各一人。紛擾尤甚。至是戶部尚書孫交上言。取諸閩人還京。別用革中瑞館及各官署。帝從之。中外怡然。

發內外府諸金分餉諸邊

兵部尚書彭澤因甘肅之變奏發內府及大倉積

卷二

四

金及太僕寺馬價共三十萬兩分運諸邊補給士卒廉餉從之

馬平盜起平之

廣西馬平府融縣盜周克亮等嘯聚萬餘人。僭署名號。流劫鄉落居民。總督都御史張道以其狀聞。兵部覆奏勅道徵兵勤平奏報。久之乃平。

二月詳定朝參禮儀

禮部奏定朝參諸儀。凡入門進班奏啓復命及齊戒忌辰令節予告日期以及御史鴻臚官面糾疏糾各禮。明日示遵守從之。

附錄大能仁寺妖僧齊瑞竹自正德間賣緣佞幸

冒領璽書及金印實費不貲工部侍郎趙璘奏乞
簿錄其財沒官從之其玄明宮保安寺諸處所繪
諸像刮取金屬一千三十餘兩俱發商販以償夙
負

存問故大學士王鏊

初鑒為少傅兼太子太傅戶部尚書武英殿大學
士致仕家居帝降特勅遣行人柯維熊即家中
存問之并示優眷鑒疏謝因上講學親政二事凡
數千言帝嘉納之

三月丁巳加上慈壽皇太后尊號及毅皇后號
戊午上皇太后尊號奉興獻后為興國太后

卷一

五

江寧府志

奉上慈壽冊寶號曰昭聖慈壽皇太后號毅皇
后曰莊肅皇后翌日奉上邵太后尊號曰
壽安皇太后興獻后曰興國太后壬戌布詔天
下曰自古帝王以孝治天下尊親之禮其來遠矣
仰惟聖母慈壽皇太后敬相皇考孝宗皇帝訓
育朕兄毅皇帝爵有顯問皇嫂皇后表正宮闈母
儀有年重念聖祖母貴妃事我憲祖澤隆裕
佑本生父興獻王聰明仁孝本生母興獻王
妃莊敬勤儉誕育眇躬王承前烈謹奉冊寶上
聖母尊號曰昭聖慈壽皇太后皇嫂曰莊肅皇
后又奉聖母懿旨上聖祖母尊號曰壽安皇

太后本生父曰興獻帝母曰興國太后可大禮
既舉洪恩誕敷先是司禮監傳諭興獻帝冊文
朕宜稱子廷和等上言不可復傳諭宜稱孝子廷
和等復言冊文稱長子本生之情自明請勉從正
禮從之故其冊詔若此

戊辰遣官詣安陸上興獻帝尊號

遣司禮太監溫祥督禮儀成國公朱輔上冊寶禮
部侍郎賈詠題神主詠遵廷和指題其主曰興獻
帝神主不稱考及叔亦不著子名

勅封大學士楊廷和將冕毛紀及指揮邵喜將輪為
伯謝馬都仰尉崔元為侯

卷二

不

江寧府志

帝念朔戴功勅下吏兵兩部議封廷和冕紀為伯
給誥券子孫世襲襲歲祿千石仍各任一子世錦
衣指揮駙馬崔元進爵為侯壽安皇太后弟指
揮邵喜興國太后弟指揮蔣輪各封伯大學士
費宏亦任一子與廷和子等毛澄加太子太傅任
一子世錦衣指揮同知壽寧侯張鶴齡加太師歲
增祿三百石太監張錦扶安溫祥賴義秦文張欽
張淮蕭敬黃偉鮑忠各增歲祿任弟姪一人為錦
衣指揮使同僉等官其興邸承奉等官張佐童英
戴永張忠閻洪趙山等二十七人俱已授太監仍
各增祿任其弟姪惠安伯張偉侍郎鄭宗仁趙璘